



UNIVERZITET U ZENICI
REKTORAT

- SENAT -

Broj: 01-108-320-2875/11.
Zenica, 07.09.2011. godine

Na osnovu člana 53. Zakona o visokom obrazovanju ("Sl. novine Zeničko-dobojskog kantona", broj: 6/09), članova 63. i 332. Statuta Univerziteta, na prijedlog Rektora Univerziteta, Senat Univerziteta u Zenici na svojoj 09. sjednici održanoj 07.09.2011.godine donio je

ODLUKU

o Forumu stakeholder-a Univerziteta u Zenici

Ovom Odlukom formira se Forum stakeholder-a (u daljem tekstu: Forum) Univerziteta u Zenici.

Član 1.

Forum je savjetodavno tijelo Univerziteta u Zenici, putem kojeg se obezbjeđuje dosljedna primjena propisa iz oblasti visokog obrazovanja Bosne i Hercegovine, Federacije Bosne i Hercegovine, Zeničko-dobojskog kantona i Univerziteta u Zenici za osiguranje kvaliteta, kao i uspostavljanje kvalitetnijeg funkcionisanja Univerziteta u Zenici u poslovnom okruženju, u smislu davanja odgovarajućih preporuka i informacija menadžerima i zaposlenicima Univerziteta u Zenici.

Član 3.

- (1) Forum stakeholder-a čine eksterni i interni predstavnici.
- (2) Eksterni predstavnici Foruma su:
 - a) Predstavnici poslovnog okruženja (preduzetnici, menadžeri ili drugi zaposlenici u poslovnim sistemima i malim i srednjim preduzećima) - 6 predstavnika;
 - b) Predstavnici resornog ministarstva, vladinih i nevladinih agencija od posebnog interesa za rad Univerziteta - 4 predstavnika;
 - c) Predstavnici osnovnog, srednjeg obrazovanja i partnerskih univerziteta - 4 člana;
 - d) Predstavnici interesnih agencija, nevladinih organizacija, udruženja, biroa zapošljavanja i si. - 4 člana;
 - e) Predstavnici alumnija - završenika I (prvog), II (drugog) i III (trećeg) ciklusa studija na Univerzitetu u Zenici - 2 člana;
 - f) Predstavnici roditelja studenata - 2 člana;
- (3) Interni predstavnici Foruma su:
 - g) Predstavnici studenata I (prvog), II (drugog) i III (trećeg) ciklusa studija na Univerzitetu u Zenici - 3 člana;
 - h) Predstavnici menadžmenta Univerziteta u Zenici - 5 članova (prorektor za međunarodnu saradnju i QA, QA menadžer Univerziteta u Zenici, prorektor za nastavu i studentska pitanja, prorektor za naučnoistraživački rad, prorektor za finansije i razvoj);
 - i) jedno lice iz reda diplomiranih pravnika zaposlenih na Univerzitetu u Zenici, sekretar Foruma.

Član 4.

- (1) Članove Foruma iz reda eksternih predstavnika bira i imenuje Senat Univerziteta u Zenici na prijedlog Rektora.
- (2) Članove Foruma iz reda studenata bira i imenuje Senat Univerziteta u Zenici na prijedlog Unije studenata.
- (3) Članovi foruma iz reda menadžmenta Univerziteta u Zenici su članovi Foruma po funkciji koju obavljaju.

Član 5.

Izbor i imenovanje članova Foruma iz stava (1) tačaka a), b), c), d) i e) iz člana 3. ove Odluke vrši se na period od 4 (četiri) godine, a izbor i imenovanje članova Foruma iz stava (2) tačke f) i stava (3) tačke g) istog člana vrši se na period od 1 (jedne) godine.

Član 6.

Forum ima savjetodavnu funkciju u sljedećim oblastima:

- a) kvalitet nastavnog i naučno-istraživačkog procesa;
- b) struktura nastavnog plana i programa;
- c) otvaranje novih studijskih programa;
- d) kvalitet izlaznih znanja diplomanata;
- e) organizacije alumnija;
- f) izvođenje internih i eksternih evaluacija;
- g) planovi razvoja Univerziteta u Zenici;
- h) nezavisno ukazivanje na dobre i loše strane rada Univerziteta u Zenici;
- i) prilike i opasnosti - SWOT (Strenghts, Weaknesses, Opportunities, Threats);
- j) studentski standard;
- k) organizovanje studentske prakse;
- l) jačanje saradnje sa poslovnim okruženjem,
- m) transformacija Univerziteta od predavačkog ka preduzetničkom;
- n) drugim oblastima od interesa za rad i razvoj Univerziteta definisanim u Strateškim odrednicama Univerziteta u Zenici.

Član 7.

Bliže odredbe o načinu rada Foruma sadržane su u Poslovniku o radu Foruma stakeholder-a Univerziteta u Zenici.

Član 8.

Ova Odluka stupa na snagu danom donošenja.

Dostavljeno:

- 1 x rektor
- 1x Unija studenata
- 3 x prorektori
- 1 x QA menadžer
- 1 x generalni sekretar
- 1x a/a Senat



PREGLEDAVAJUĆI SENATA

Prof. dr. sc. Halid Kurtović

^ V i ' k